

中國方志叢書·華北地方·第二十六號

據

民國牛占城等修周之楨等纂
民國二十四年鉛本

影印

山東省

茌平縣志

(二)

成文出版社印行



10107762

中國方志叢書·華北地方·第二十六號

據

民國牛占城等修周之楨等纂
民國二十四年鉛本

影印

山東省

茌平縣志

(三)

成文出版社印行



10107763

中華民國五十七年三月臺一版

荏平縣志

全三冊

定價：新台幣一二〇〇元正

發行人：黃成助

臺北郵政信箱二二六〇五號

出版者：成文出版社

臺北郵政信箱二二六〇五號
電話：九二二〇一〇號

印刷者：正大印製廠

三重市長生街二號之一

版權所有

內政部登記證內版臺業字第一一四七號

列女

嫠婦恤緯志在宗周柏舟共矢心決望夫綱常倫理賴以不墜豐功偉烈愧煞鬚眉每當國家政變之際家庭慘變之間而弱質輕閨少受禮教之陶冶徒知從一而終以報所天或哭夫望石或矢志事姑或慷慨殉難或輕生就義是皆出乎自然之天性有莫之致而致莫之爲而爲者豈可不傳哉是類所集約分四項一則本諸舊志一則取諸附編一則前志未及載者一則爲採訪所得者群經搜集以慰英靈而勵來茲俾觀風者庶有取焉

高氏邑民蕭奉妻也年十九有姿明正德六年城陷賊欲污之

不從以亂刀剖其面後二日復生病亡

邴氏驛吏李璽妻也莘縣邴眞之女明正德十三年璽以公役卒於濟南氏聞服哀號扶櫬歸窆誓不他適紡績爲業服闋之日祖翁姑義嫁氏佯諾遂沐浴更衣紙裹手指潛詣夫塚自經建坊勒珉有傳

寶氏邑民林鳳雛妻也雛卒寶氏方二十五歲貧苦艱辛誓不復嫁從一而終御史項公劉公旌表其門

陳氏邑庠生楊龠妻也龠卒陳氏年二十歲甘守清操誓不他適御史項公劉公旌表其門

齊氏吏守士美妻也歸宋二載士美卒齊年十九誓不他適事

舅姑以孝舅姑憐其少欲奪之號泣伏劍後家益貧所居廬舍鬻經三姓各多其義並許居之終身年八十六卒御史黃公旌表其門

黃氏邑民勲女也適馬大化天性端嚴居常人未見其笑嘉靖乙卯大化物故黃年二紀無所出矢以死殉絕口不食浹旬而歿吊者如市御史黃公旌表其門

馬氏邑載驢女也年十五適邑人閣有禮甫一載有禮病死馬遂絕飲食親屬慰諭不聽柩前自經左右覺持之信宿後縊於園樹御史羅公旌表其門

陳氏林務寔妻也方十七歲端謹寡言笑夫病翁姑俱老陳侍

夫疾上事二親勤勤不懈夫亡慟幾絕翁姑欲奪之氏泣曰
吾即子也反面事人忍爲之乎竭力奉養有死無二翁姑不
能屈直指使表其閭

張氏曹自悟妻也自悟爲輝縣訓導卒於官氏年二十二扶櫬
歸服衰入臥室自經

劉氏陳所知母也年二十夫亡子甫一歲矢死靡他勤紡績以
養姑及子就外傳每晚歸必使背誦日功一字訛輒責數下
苦節五十餘年直指蕭公上其事建石坊

楊氏庠生崔唯妻也年十九孀居無子女苦志守節事翁姑禮
孝衣食皆以時奉旨建石坊有傳

楊氏張尙朴妻也娶不踰歲而朴告殞病中囑氏曰余不幸不獲久侍膝下且子女俱無承侍甘旨者惟汝是賴如不負所託雖死瞑目氏拜泣唯唯朴易簀之日氏年十九歲雖甚哀毀然不喻禮蓋從治命也事翁姑無異於朴溫清定省終始如一日奉旨建坊邑侯知事兩旌其門一曰貞節一曰貞烈郭氏庠生陳廣澤之祖母也夫卒子幼厲志守貞撫養孤子子甫成人授室生孫廣澤而子又卒復率子婦丁氏同守節三十餘年待廣澤補邑庠而卒奉旨旌表之

丁氏陳廣澤母也夫蚤卒上事姑嫜奉命惟謹下撫孤幼恩威並著澤稍長延師教之享年七十餘歲與其姑並受旌表

徐氏書吏李應炳妻也氏屬李繼室李病殂氏年未逾二十視夫歛畢以筐箱衣服分爲三一以予姑一以予母一以予前氏之女是夕自縊

李氏鄉民焦樸妻也順治三年土寇蜂起氏與閭家偕遁道遇賊樸幾斃刃下氏以身左右護之遂遇害樸以是得脫免焉楊氏生員張明賓妻貞順雅有婦道順治五年土寇至刼以刃氏誓不受辱曰我儒家子肯從賊耶激賊怒殺之其犬亦吠賊而斃

田氏張可孫之妻邑增生象麟之母也癸未兵變毀容拒寇死而復甦可孫歿氏年二十子五月每以身殉三次投縋繩斷

婢救得以不死蓋天意不絕其後也卒能教子成立五十餘年不易其操臬臺聞而獎之

張氏趙振家之妻監生自新之母也年二十而振家卒氏毀容以全節借壽以保姑且教子成名以繼夫嗣貞孝節兼至曲盡婦道者臬臺褒揚固所宜也

張氏李元春之妻年二十三歲夫亡矢志靡他飲冰茹蘗艱辛備至善事舅姑以終養撫育三子成立貞節孝慈洵足嘉美宜官司之旌表其門云

孫氏呂奇才之妻年十九夫亡上有孀姑躬紡紉以瞻養下有幼子和熊丸以訓誨子甫拾芹而蚤逝孫又孤苦而待育壽

逾七旬節守彌堅似此不世之苦婦允宜官司之旌表

王氏邑廩生張溯泗之繼配于歸未久溯泗病故氏年二十三歲絕食數日投繯剪髮甘以身殉兩次俱遇解救矢志靡他艱辛備嘗撫幼孤以成名遠承宗祧全婦節于終身克慰夫靈直指題請奉旨建坊

李氏武生祁鑑之妻年二十一歲夫卒上事垂白之公姑下育襁褓之稚子子未及世而早逝孫方成立而又亡所遺六歲曾孫氏率子婦焦氏孫婦氏共守三世之孤孀同矢不二之冰操亦曠世所罕聞雖官司旌揚似不足表其苦節也仍宜提請獎勵

顧氏王計周之妻。歸未及二載。夫君不幸。蚤亡。氏年一十七歲。矢志靡他。幸天不絕其後。三月而舉一子。家貧如洗。艱苦備歷。卒能奉旨目之。婦姑善歸。九泉撫遺腹之孤兒。得以成立。節婦寔爲孝子女。流不愧丈夫官司旌表。誰曰不宜。

遼氏蔡永寧之妻。年方十九。不幸夫亡。婦姑在堂。遺孕在身。氏焚祝矢志。甘守冰操。兩月而舉一子。奉姑撫孤。五十餘年。如一日。貞也而孝。寓矣。允宜旌表。

楊氏邑民楊成之女。李芳華之妻。年十五。于歸未久。華芳以城陷死。難氏矢志堅守。子甫成立。而早逝。復守其孫。以承夫嗣。年六十八歲而終。邑侯聞而賢之。給匾旌獎。

李氏崔天保之妻也生子未及週歲夫以病故氏年方十九家貧如洗矢志堅貞善事公姑以全子道撫育孤兒以繼前人年近七旬若將終身

王氏邑人王純文之妻夫亡氏年二十七歲子女皆無矢志不躬紡績以資生而孝不衰於嫗姑甘茹素以終身而義旁及於族黨處妯娌以和待娣姒以敬撫猶子如己出咸得成名與兩叔以同爨毫無私蓄節歷五十餘年以壽終迄今鄉里猶稱其賢於不衰云

趙氏武庠生楊曙繼室年二十五歲曙歿誓不他適事翁姑如禮撫二子嚴而有方御僕婢寬而有體無故不出戶庭四十

年如一日諱六十一歲卒

劉氏生員王宜振妻也歸王半載振卒氏年十七子女俱無立
志守節四十餘事翁姑盡孝年六十一奉旨建石坊旌表之
李氏高贊之妻年十四歲而夫亡遺子甫五月氏撫子成立
訓孫成名奉事翁姑後負土以葬人皆稱其節孝舉於官
給匾旌獎

楊氏邑庠生楊四知之次女王樞之妻年十九而夫所人子甫
在襁褓上有祖父母及翁姑在堂氏奉養盡禮叔姊姪季咸
和以處之教子成名而逝撫其孫而婚娶焉年近七十初終
不

遂氏王曰久之繼室也年十七歸王數月而夫病不逾歲而夫
亡堅志苦守撫前子一如己出男婚女配不辭艱辛且教子
成立終無二心人皆以貞節稱之

崔氏徐爾忤妻年十九夫亡無子女遺產盡與其弟留數畝以
供孀姑姑歿鬻田以葬其守苦節八十餘歲而卒邑侯給匾
旌之

王氏西景奎妻明萬歷丁未年巡按嚴題其坊曰貞節

馬氏劉汝翼妻生員敬衡之母年十九而夫亡上事公姑下撫
幼子卒能教子成名以代夫職亦女流不多覲者

季氏石維宣妻年十八而宣亡事姑育子數十年如一日

王氏邑庠吳起謂之妻謂卒年十九敬老撫孤初終不渝

金氏庠生左振興妻也年十八結褵未兩載生子六月而左生歿泣痛搶地欲死母族諭之乃止日夜哀號紡織自給奉翁姑至孝喪祭皆如禮教子祥讀書明理義既長入太學有聲氏年六十中丞蔣題字旌表建坊入祠有傳

孫氏趙毓妻業官屯人弟賢臬司承事以奉差遠適其婦李氏病歿遺兒始週歲孫氏育如己子時正德辛未流賊突入其家索食孫氏方抱姪立不忍置賊叱曰不置吾且刃之孫曰兒新喪母父不知所往此一綫之脉也將軍安往而不食耶言訖涕淚如雨賊衆曰此賢人也奈何迫之相率而去

以上各列女計三十八人係照錄十五年舊志

孫氏楊元瑞之妻年十六歸楊數年夫故事姑以孝教子有方家道亦漸充裕收養其姪爲之授室置產及姑姑歿葬祭皆以禮壽八十二歲乾隆十年奉旨建坊以旌之

紀氏張澄然之妻年十六歸張三年生子達又四子夫故氏上孝事翁姑下經理家務撫孤成立出積貲施粥捨衣三年乾隆年間奉旨建坊立石

陳氏李超凡之繼室東關貢士東昇女孫也性慈善好施與中年驟失所天撫育遺子已成立矣而天又擇嗣孫教養甚備相傳氏種黍一區將穫而夜以風氏悔不早刈黎明遣傭趨